

宋蘇魏公文集



蘇魏公文集卷一

宋太子太保右僕射同中書門下平章事司空魏國公蘇頌撰

清兵部侍郎都察院右副都御史四川總督大理寺少卿裔孫廷玉重刊

古律詩

進南郊大禮慶成詩狀

右臣伏以禮行於郊由古謂之大事祭得其道先聖著於
格言皇帝陛下受命皇穹繼昭仁考爰初纂嗣不忘丕承
大報圉丕恭展三年之禮祇見宗廟徧祀八世之靈至於
朝享道宮肆赦端闕奉事長樂尊上冊文惟是親行之儀
莫非盛德之事上意專懃熙事備成宜有咏歌被之金石
臣幸塵詞館恭覩禮文思所以攄發精微形容萬一愧無
蘇魏公文集卷一

大禮慶成詩五首

鴻筆藻潤之美徒有蕪音累句之慚出於至誠不敢自蔽
謹夙夜齋祓課成大禮慶成詩五首繕寫隨狀上進于讀
宸嚴臣無任惶懼屏營之至謹奏

惟宋五世將郊泰元祇若前典欽崇道尊其日吉午天時

薄寒帝出齊寢朝神紫垣降輅就次被龍摺山禮薦蒼玉

樂歌太安酌以瓊醴羞以靈飧飈御來格上誠益虔思我

基金系於帝軒真祖膺符錫類貽孫皇繼其志受祉彌繁

炎炎景歷億萬斯年

右朝享
景靈宮

天命有宋系軒纂唐祖武宗文積厚流光奕奕清廟八祔

同堂五時備饗百順儲祥皇帝孝思明發不忘躬執圭瓚

再薦嘉觴公卿陟降鼎俎芬芳廣樂九變羣神迪嘗昭我先烈緝熙萬方永思繼述成不敢康始朝於廟詩歌嗣王列聖在天保佑我皇

右薦享於太廟

惟皇繼天宅位三禩靈德及遠嘉生茂遂仲冬月良一陽氣至上將告成禮嚴肆類自廟徂郊萬靈拱衛天收宿霏日麗佳氣月踰旣望再登午陛對越蒼祇配以天帝奠玉酌匏升煙燎幣志盡虔恭備成熙事玉輿旋衡歡聲沸渭皇專乃誠下蒙厥惠

右有事於南郊

帝陟圉正天降之祐嘉與士民均承福祚還御端闈躬布皇度雞星驗占鵠書臚句慶浹天淵恩霏雨露滌垢棄瑕蠲租薄賦三泉靡封五刑幾措太和充塞羣心率籲自古蘇魏公文集

卷一

二

無赦孰除註誤我朝本仁實清弊數赦匪其私仁則有裕萬民以懷邦基鞏固

右賜赦宣德門

大孝尊親治本人倫自家之政所以刑民天正元日帝郊畢禋將崇母儀爰卽嘉辰正朝乾闥羽衛星陳金石旣作公卿薦臻帝步西序躬躬咨爾臣授以冊寶極其禮文羣官在位靡不歡欣謂天子孝感於人神祝天子年後於靈椿

皇心匪懈聖慶惟新

右發冊文德殿

元日鴻慶宮朝拜二十韻

皇祐三年任南京留守推官

上國房心次仙都太紫微璧門開做雉金闕立如翬昔聖躬三祀乘時動六飛奠圭渦曲已鳴蹕渙陽歸孚號興王澤尊名象日畿經營原廟制虔鞏上天威祖系崇軒鼎宗

祜奉漢衣豫遊恩甚盛謁欵禮無違御顧和鸞跡咸嗟歲
序非璿源流永永堯德冠巍巍我后遵鴻烈聲明極範圍
乾坤扶寶厯日月拱琳扉朝會元正始班聯內著依敘官
風憲肅就列羽儀輝北面鸞分黨東隅斗轉機寒銷冰玉
砌風繞大龍旂瑞色花藏露歡聲霧散霏未竣眞館集遙
仰帝陽晞至治尤遐邈先猷重發揮邦人徒望幸延首向
端闈

恭和御製賞花釣魚

四照仙花次第開上林重覬屬車來雨晴馳道紆天步風
引濃香到壽杯瑞燕入簷時拂掠恩魚窺釣更徘徊栢梁
絕唱客賡綴獨愧非才亦與陪

蘇魏公文集

卷一

三

恭和御製上元觀燈

元豐五年正月畢仲衍押
伴高麗賜燕樓下賜詩

寶杯蓮燭艷官臺萬戶千門五夜開樓下舞韶清吹發雲
間鳴蹕翠華來九賓宴集占風使四近班陞構夏材自愧
周南獨留滯十三年隔侍臣杯

恭和御製賜太師致仕文彥博五言六韻詩一首

曉日清明霽華林物色新詔頒慈惠宴恩厚老成人衮冕
三川客杯觴四府臣獻酬同飽德愷樂盡含醇帝惜營邱
去民思尹氏均宸章一褒賁道不愧如仁

恭和御製賜太師致仕文彥博七言四韻詩一首

出處逢時道不殊當年功立老閒居來膺紱冕三公命歸
奉雲章五色書社稷元臣名已遂山河雄鎮寵仍疏瓊林

詔餞衣冠盛豈止都門百兩車

謝賜御書詩五言十二韻

聖學天攸縱宸文日又新因摛鏤牙管分賜挈囊臣玉几
繡經暇瑤宮賜宴辰清躬忘旰昃睿藻出絲綸才賞唐詞
客人稱賀季真開編掇風什灑翰落霜筠楷法前無古書
評妙入神良慚孤陋甚獲對寵光頻得異登牀諒藏過韞
匱珍護持同始幸荷戴等宵見職幸聯簪筆憂常念負薪
惟勤黃卷業仰答大君仁

進皇帝初郊大禮慶成詩狀

右臣伏觀今月十四日皇帝躬祀南郊禮畢者三歲一郊

漢唐以來爲定制二儀並侑祖宗之世皆親行蓋王者謹

蘇魏公文集

卷一

四

於承天而經典重於饗帝國之大事茲實爲先伏惟皇帝
陛下稟堯舜之聰明監夏商之忠敬明德恤祀靡神而不
宗精意曰禋無文而咸秩爰卜天正之吉躬修郊見之儀
前詔攸司聿遵先典內則稟訓於文母外則詢謀於邇臣
稽皇祐舊章旣兩行於崇祀案熙寧故事當合祭於圓丘
尊泰元富媪之靈徧六宗羣神之祀義兼聖孝禮盡情文
瑄玉嘉牲合二精於志物黃鐘太簇備六樂於神祈煙燎
配黎而四施休氣鬱葱而竟夕膺萬壽而禔百福叢慶於
三宮暢九垓而沂八埏覃恩於庶物臣親逢熙旦叨領近
司從警蹕之奔趨望廟止之陟降贊盛德之事雖莫究於
儀形聽輿人之言輒載賡於歌詠顧慚鄙俚難道謹詞謹

夙夜齋戒賦成皇帝初郊大禮慶成七言二十韻律詩一首繕寫上進冒黷冕旒臣無任惶懼屏營之至謹奏

皇帝初郊大禮慶成詩

六帝貽謀聖繼明兩宮崇祀上躬行熙壇初展嚴禋報觀
盥三終孝享成仰法祖宗尊本始致隆高厚整純精告虔
並薦圓方玉在滌交充繭栗牲吉土兆南殊漢時景圭迺
至協周正羽旄備物甘泉伏觚陛層垓委粟營齋寢累朝
思志意貢廷穀旦奉粢盛八神警蹕毆氛沴九貂梯航入
貢菁過廟徂郊紆步武撤茵停蓋肅公卿服裘尙質遵前
製配冊修辭正重名篆鼎割烹工奏夏午階登降斗旋衡
先時非霧滋鱗鬖竟夕祥光燭幔城鐘虞四廂庭樂畢樵
蘇魏公文集卷一

五

蒸千石燎煙輕龍回雕輦昇曉闕鶴負恩書下采楹海外
鷄星占澤霈樓前鼉鼓震霆驚風雲氣應靈臺候雷雨仁
深犴圉清有昊感通欽輔德聿修夤畏念持盈旁求遺逸
搜巖穴寬舍租逋惠隸氓天錫泰元神策瑞民歌華黍歲
豐聲老臣扈從知何補敢次輿言頌太平

恭謝慶成詩十韻

嘉祐元年九月代劉相作時二府皆有詩議者云皆不逮劉公者公

聞之曰某久不事筆硯此親情蘇校勘所作也人嘉其不掩善

聖孝當天世繼明兩全能饗禮交行路朝躬躬欸三年報齋

寢先端七日誠穹厚博臨通肝鬻祖宗嚴祀極專精冕章

從質更新製鐘虞鏗純復舊聲

先是命禮官重定衮冕制度務從簡質仍詔用舊樂

以供祀事舞佾前陳徽烈茂燎煙升達上儀成不祈厚福歸諸

已務達龐思及庶氓還御端闈孚大號載頌元厯慶鴻名
歡謠沸渭盈都輦協氣旁流浹海瀛百辟旅庭紛嶽抃
方延首效葵傾帝心虔鞏常無怠億萬斯年享治平

蘇魏公文集卷一終

卷一

蘇魏公文集卷二

宋太子太保右僕射同中書門下平章事司空魏國公蘇頌撰

清兵部侍郎都察院右副都御史四川總督大理寺少卿喬孫廷玉重珉
古詩

送鄭無忌南歸

我家本南閩處世若羈寓侍親從宦遊東西遷者屢因循
歷年載未識南中路間歲至都城始與里儒遇嘗聞閩中
奇英雋所叢聚山川降靈氣稟肖時魁梧往在祥符中黃
李稱獨步當時盛文物在廷充振鷺二子筮其間軒軒並
鑣驅得志何所如康莊躍騏驎時文變新律高辭無累句
人傳幼婦碑朝奏客卿賦奇器擅珪璧至音有韶濩當宁
蘇魏公文集卷二

喜同時士林爭景附淵澄或無魚木秀乃生蠹嗟哉士之
賢入朝嘗見惡叔才亦稍遷秘書觀四庫命窮時不偶伶
仃獨翁孺名雖鼎甲貴官止徒勞污蹉跎三十年困躓卒
顛仆伊予生後時舉頸徒企慕鄭子乃其甥肖貌何穎悟
讀書博而詳措辭亦能鑄竭來至京國首與予款晤吾嘗
念古昔人賢猶愛樹况遇賢之出何必緣雅素從遊遂無
間往來靡常度近遭試秋官報罷不知故飄飄歎窮途歸
橐不能具當路少知己腹心誰可布我嗟近世人齷齪何
足數見善不能賅徒然用然噢士有處憂困豈嘗一蒙顧
勸君自求已何用頻齟齬還家樂詩書養心益堅固無因
一傷手迺欲改前措澤豹未成文尙能隱深霧齊禽戢其

翼久亦蒙傅羽去况子氣方剛丁辰年未暮勉信予言
勤勤蹈前趣更想涓陽賢懷道當有選王忱希范甯羊曇
宗謝傅武子稱衛玠逢時迺騰鶩深源賞康伯傳經有訓
註子其慕斯人戒哉惇向素還來取高第擢俊膺帝顙更
發翁孺名後來益垂裕作歌送子行予言豈虛論

送王秀才出京

都城大雪酒價高我送故人傾濁醪酒闌置杯欲話別不
覺中心生鬱陶丈夫聚散豈爲念所歎人事多徒勞憶昔
我年未弱冠西來觀藝遊神臯金門獻賦嗟失路因循四
載何所遭京華碌碌少知己但聞嘲弄聲替替今年詔書
恤西事大開言路丞羣髦因思平生負氣槩臨事始可觀
蘇魏公文集卷二

二

持操長纓羈敵豈無計策慮未獻徒心忉感君壯志正凌
厲術業沉寃鈐與韜上書論畫兵家事直請西去親鞬櫜
又言若將衆十旅可爲手足除紛搔踰時待報不聞命西
秦便欲從遊邀束書攜劍瞥然去卻顧名利輕如毛我謂
方今正急士帝言屢下搜英豪公卿悉意奉詔旨推賢好
善如干旄勸君失意且韜養有能必見時稱褒中朝列爵
本馭衆進任將相皆儒曹一時未遇何須歎吾輩豈久居
蓬蒿

和邱與權秘校詠寶寄林成之進士

天下豈無寶此寶常曠乏渾然肖天質不與璆璠雜萬產
蓄精粹百靈常護押天王得而與人世留豈盍問將安所

施邦國憑鎮壓問誰能爲售靡物可酬答孰嗟道不行將
以補千衲孰憂大厦摧用以支衆庠在昔夏及周相繼登
天榻搜索罄寰瀛異物悉歸狎萬玉會諸塗九鼎安於郊
人神爲交歡海嶽在呼欲無遠不奔趨無強不折拉區區
霸者君猶能救收拔譬夫至音奏所聽纔鞞鞞晉強猶一
戰齊盛成九合小邦願輸幣鄰境求盟歎至寶旣見用光
價日以洽豈若秦與趙爭璧相蹂踏其下數十代交功事
矛甲用捨亦異道盛衰勢相沓得之權綱震失之基本塌
吾君系皇統威稜海隅匝大器固神局衆奇萃緹匣山塊
及海靈盡護諸羅罨揀金積礫中或不間砂鐵求珠淵泉
底或見取廬蛤珉石尙珍藏理寧斥珪珎其間偶棄遺誠
蘇魏公文集卷二

三

堪爲嗟吹或是選擇殊非由道路狹淵哉二君言相投予
意恰誰能借其辯九重貢君闔上以啓聰明次以廣開納
冀於涓塵中收拾祕箱笈明時寧自疑本無雙別法

送閻祕丞宰雩都

江西劇藩曰南康其山空青水貢章環封千里十巨邑邑
皆萬室居相望地窮吳境雜楚粵民生精急矜豪強積茲
疊訟狃成俗吏治紛擾多頽綱緩其銜轡乃縱弛繩以密
網還滋彰中和之政固難立要在教化完隄防爾來守宰
尤慎擇長人之計非等常儀儀閻君文且敏風韻粹絜含
珪璋昨從筦榷薦稱最就委墨綬雩川旁周才治劇有餘
地猶以驥騄騰康莊牛刀善騁解衆理排擊曾未嬰銛芒

聲華早已擅朝案羣公稱薦交封章况今知已正當路拔擢賢俊登周行謂宜平步陟清要何乃遠官天一方平時進人用資履詳試政事觀循良毋嗟邑令尙沉滯昔賢爲吏多踐揚漢庭卓魯終作輔孔門言季俱升堂於時百里振嘉譽逮今史簡傳清芳勉哉遠繼數賢迹坐使慈惠流江邦政成賫代奏丹展行矣臺閣看徊翔

天禧寺竹

萬箇碧琅玕兩傍蔭潭沼叢深蔽巖麓幹直露雲表剌影下交加山房上環繞昔嘗止鳴鳳今肯棲凡鳥笋抽龍種瘦籜墜孫枝小美勝會稽箭珍逾汶陽篠免園名非奇渭川比終少樵刪草根變客玩茶煙燎創亭僧意高論佛禪蘇魏公文集卷二

心了吾愛有霜筠一到忘昏曉

一本云每來到霜筠愛玩忘昏曉

寒食後一日作和林秀才

寒食初過一百五陌上風輕斂微雨宮花鋪繡淺深紅蜀柳垂絲千萬縷都人士女趁時節郡圃山樊樂樽俎肯教容易度春光來日清明更妍煦

暮春與諸同寮登鍾山望牛首

清明天氣和江南春色濃風物正繁富邦人競遊從官曹幸多暇交朋偶相逢並驅出東郊乘興遊北鍾陟險不蠟屐扶危靡措筇上登道林祠俯觀辟支峯亂山次阡陌長江遠提封蕭條舊井邑茂盛新杉松攬物思浩浩懷古心願願念昔全盛時茲山衆之宗天都對雙闕霸業基盤龍

六朝遞興廢百祀居要衝人情屢改易世事紛交攻當時
佳麗地一旦空遺踪惟有出岫雲古今無變容

首夏卽事與邱與權同韻作

朱曦漸永煩暑添薰風當晝飄前檐庭幽門邃舉帷簾景
物軒豁又覘覘方池綠瑩波文恬雨傍森森生葦兼新荷
未展排青尖上下交映閱鑑奩園林果實繁李柰原野麥
秀勝稻稊羣飛衆走羽毛多求陰息影愁烹爛江南鬱蒸
非類疔時雖早熱人心懨忻忻笑喧閭言此豐歲將
飫饜正陽用事何太廉乃使陰沴相陵詹正當汗浹絺衣
粘淒風忽生增纒織淫霖旬日橫流霑市井郊郭皆滄淹
林實墜落誰捨掃麻麥散亂如刪鎌斯民愁嗟言成誨我
蘇魏公文集卷二

五

時憂思坐閒欄方食不知味苦甜整齊几案抽書籤發策
一以天人占少陰乘陽時最嫌小人當此多欺檢君子遇
之難懷謙天道雖遠誠可瞻上曰高明下沉潛四時中分
寒與炎一氣不可相并兼推本事理知悉熾災害所起由
漬漸豈非奸孽當除殲又非直道傷諛孰居鼎鼐調梅
鹽孰任閭闔懷韜鈴聖皇言動謀於僉布爲利澤濡蒼黔
將消祲沴頻深砭感召冲氣安危陸嗟嗟直口不可鉗誰
當一探龍領髻

與諸同僚偶會賦八題

不期而會

汎交以勢利君子期久要道義苟契合出處無阻遙龍興

雲必從官鳴商亦調樂哉此席會固非夙相招

待燈

黃昏蝙蝠飛空堂蟋蟀吟相對語未闌不覺更漏侵呼童
持短檠注以蘭膏深皎皎見寒光良宵愜予心

坐久月初上

高軒微雨過初夕涼風生兀坐正幽寂雲間月華明移榻
向寒堦遙望孤蟾清所思故人遠對此傷予情

邑署獨鶴

常賦士衡雲兼懷惠連雪庭前聞清唳天外見寒月舞愛
素琴橫飢思朝露潔問爾誰爲羣威鳳在丹穴

府庠小沼

蘇魏公文集卷二

六

面向秦淮流背枕清溪水當軒觀未足鑿沼近可擬月明
練光寒風動漪漣起不用植菰蒲惟將鑿容止

華藏竹

竹性本孤潔况在祇園中經年蔭華宇永日吟清風心虛
大道合幹直賢人同雪霜任摧挫寒姿獨青葱

秦淮柳

古樹枕淮流橋邊與亭畔借問植秦堤何如在隋岸南朝
正佳麗綺陌多攀玩嗟今非昔時榮悴俱可歎

登賞心亭

秦淮接長江活活流不已高亭出城角四面盡湍水山川
孤雲飛檻閣清風起望遠何所思故人在千里

與邱程凌林四君同賦食河豚

水族誠萬種茲魚非衆儔形龐而味異名與畜豕侔江南
春風和乘時沂江流貪婪爾之能腥臊固相投膨膨逞怒
腹駢駢競尖頭靡因梁笱獲謾污筌餌求虛傳百金貴不
充四時羞假以薑桂芼薦之樽俎酬飽飫有奚適包藏乃
爲憂嗟予鄙異食顧此偏憎尤河魴風陳詩蝦蟆譏柳州
腊毒戒厚味茲言實嘉謀盍投會稽牂更垂渭濱鈎一釣
蓬山鼇復連東海鰈割鮮輕屠龍和羹小函牛誰同厭若
魚何必誇食鱸

遊保寧院練光亭同邱程凌林四君分題用業字韻

寺本梁瓦棺地臨吳建業何人構虛亭勝槩壓危堞巖扃
蘇魏公文集

卷二

七

豁常開江練靜相協洪濤雖震騰迅流終妥帖遠窮滄溟
盡近與長淮接水色古今同潮聲朝暮協中間數洲渚來
往挈桴楫搖深鳴根喧渡閣孤帆怯到此是安瀾游人無
病涉滿檻霽光浮平林風勢獵黃昏煙引素清曉波成褶
歸雲閑自飛列岫平如鈇秋岸狎鷗鳥春城噪批頰圍橘
冬垂丹隄榆夏飛莢竹徑粉筠墜松梢飴露浥老檜倚軒
簷幹勁如雄俠野花鬪黃紫格頑若婢妾離觴歌柳枝江
人憶桃葉往事杳難尋欲問言成喋惟惜建邺都形勝敵
岷鄴後人奉竺乾剎寺據山脅邑居正佳麗棟宇爭焯煜
山遊鷺鷥羽池變炎灰却鳳去臺遂空國移人亦懼興衰
旣代謝榮悴固相躡幸今明世逢早蒙湛恩浹安堵四民

君飽食千僧髓吾儕正閑暇來遊失疲茶心朋况邀從雲
梯屢登躡山川思慮清風雲抱懷愜百里見毫釐萬象入
睂睫南望牛首峯雙闕儼重疊卻視虎踞基石城猶岌業
北阜盤虬螭三山樹矛鉞風流非昔時事跡看載牒開尊
忘醉醒縱論鄙嚅囁念當時值泰豈歎徑未捷經綸苟韜
藏鼎飪終調燮攬景且留連無爲利名攝

詠邱秘校山水枕屏

遠山近山各奇狀流水止水皆清曠煙雲到處固難忘筆
墨傳之尤可尙古人銘枕戒思邪高士看屏助幽况左有
琴書右酒尊怠偃勤興時一望

和林成之五題

蘇魏公文集卷二

客來

有客過我門開顏喜相見貧居何以待案上書千卷高論
到古人終日自忘劬非同豪富家絲竹留飲讌

城南

心樂郊原景人應似我稀城南時一到山寺幾忘歸新竹
當行徑飛雲戀客衣誰能咏招隱向此息塵機

江上

何處偏傷江上春天涯失意未歸人片雲極望添鄉思孤
棹隨波寄客身塞雁來時憑遠信海鷗馴處見吾真休嗟
進取無成去幸有榮名足慰親

西隣

西隣擊鼓北隣聽飲馬持戈密相應一朝奮躍事爭鋒朔
氣充盈誇戰勝中原太平日已久刃頓兵閑空細柳二疆
欸附歲奔馳柁載金繒萃淵藪飫肥服煖四十年但欲包
藏忘德厚謀夫憤憤壯士憂屢獻忠言曾苦口廟堂高論
正無爲肯向平時議攻守朔方三十有六郡戶斂家輸佐
行陣非無碩畫破妖巢直遣萬里威稜振皇天愛人猶赤
子縱欲毆之言亦訕彼方束手聽誓盟重獲歲時贄琛費
斯民懷德樂休兵戍卒歸來解鋒刃皆言隣徼復清夷嗟
哉強敵終難信

惜別吟

丈夫豈無淚不覺兒女悲今日獨潛然爲別良交知交知
蘇魏公文集卷二

九

不易遇一別會何時念茲出門去空有長相思非無樽中
酒亦有桐與絲未飲先嘆惋欲歌還噫誰能諒予心惜
哉此別離

蘇魏公文集卷三

宋太子太保右僕射同中書門下平章事司空魏國公蘇頌撰

清兵部侍郎都察院右副都御史四川總督大理寺少卿裔孫廷玉重栞

古詩

題畫草蟲扇子

蠖飛蠕動誠微物尺素輕盈誰畫出一朝君手將動搖猶似吟風欲跳逸竹稍草際弄輕翰水墨淺深見織質昔人徒愛明月詩何似今看老師筆

清暉茅亭

山僧構亭山之麓旋結茅蓬架園竹千年巖樹怪枝虬十畝龍池春水綠閑移賓榻向松軒一坐清風香馥郁誰爲蘇魏公文集卷三
一
漱石枕流人老此優遊避喧俗

逢錢塘詩僧

把手忽相逢開談究詩義子雖浮屠流乃抱風騷志錢塘佳山水一一助清思何處最堪懷飛來峰下寺

聞鼃

鼃黽何所恃喧喧矜善鳴不知穢污質羣沸沼池清游子得無淚羈人若爲情華堂有絲竹皆厭爾虛聲

和邱林二君會程坦之家二詩

春晚寒不已節候差季孟木行怯初陽水官恣餘橫滂沱連月雨愁嘆斯民病已紊四時和更傷羣物性園花半零落猶逞晨裝靚麥將痿摧况值風威勁我願天地心慎

舉陰陽柄十雨應太平時豐順睿聖庶令疵沴消各保寒
暑正無復三月中慘慘行冬令

天涯人未歸飄然江海上客心蓬任風歸路萍隨浪青雲
少知已白日多糴謗著書見窮愁倚門知抗讎皇皇千名
祿戚戚足羞讓豈特爲身謀所懷慰親望昔人在困蹟寧
復論得喪吾徒抱道義豈不保趣嚮勉希一簞賢無慕千
乘相卷舒各有時出處當自諒

奉陪府公賽雪橋公廟紀事兼呈倅幕諸君

北走出都門寒垌冒初雪言瞻漢三公嚴祠奉遺烈稽帷
未行春首茲薦腥血念昨冬愆陽時風少凝冽長人惜爨
蕃坐閣苦憂悒遣吏造靈宇精心致蕭炳冥感不踰旬同

蘇魏公文集

卷三

二

雲澹融結旬畿千里間滋液徧農暉兆於豐年祥倉箱行
可閱報祈禮則然况乃人望缺前期告祝史按令肄儀菴
俎豆載博肥尊疊沛芳飴朱幡朝啓行騎從紛交列雍容
幕府盛陪預愧蒙拙聯行趨閤官就位修馨折拜望已告
虔歎詠想奇節惟昔漢之季姦雄逞權譎公初任州郡超
然脫羈繼敢犯跋扈鋒終正狡吏讞霽威遁世賢先覺安
民傑舉當仇無避義在親則滅入朝常武事出塞受師子
朔塵息邊土疾風掃蟻穴屢進行惟危保終名不缺世閔
著廟鼎庸勲刊冢碣清風邈千載血祀豈嘗絕時其福善
事鄉人每談說水旱或崇雩響應甚昭晰神實依於人禱
祀戒輕媠今茲罄誠禮庶可消眚孽府公臺閣老家聲繼

臯契都圻出居留條令見施設芘民慈惠師事神案盛潔
威行肅羣豪政成除一切貳車寶邦英諸僚亦時哲儒雅
資緣飾吏治賴關決非才荷寬矜幸免事卑屑方欣盍簪
得載詠嚶鳴闕期會間亦希宴遊時豈輟嘉此歲事和樂
哉民共悅覽古極優游言歸日將昃

送趙君權中歸福唐兼呈陳季中

趙子抱經術儒林挺孤秀策足入上庠高誼諸生右秋闈
再程文懷寶不見售京師首善地翹然俊賢囿朝廷舉新
詔多士四方走主司搜擇艱有如羿張殼小善或不遺寧
當舍良茂豈非繩準高刀尺下難就得喪不在己自信非
我疚歲窮感親心倚門方遠候都亭謝知己飄飄拂歸袖
蘇魏公文集卷三

三

送許當世職方通判泉州

仕宦遠故鄉古人之所譏懷祿去養親千鍾且爲微當世
倅州行二美其庶幾符竹非不貴誠與雅志違獨駕簞篋
車東南去如飛所懷戀晨昏奚論官等威遙遙七閩山喬
木正芳菲駟馬過舊遊道路增光輝榮觀足慰親佩綬紆
銀緋上堂拜慶日喜氣生庭幃躬扶版輿去徑入牙城扉
潭潭公府盛華顯猶炎暉膳羞盈其前酒紅魚鱗肥人生
苟適意富貴安所希况今邗伯賢早辭尹王畿亦從北堂
養再擁雙輪歸君欣舊知已復得相親依守相同鄉州會

遇時所稀純孝自感人遠近聞風徽豈徒對交親誇詫書錦衣

和胡俛學士游西池書事

皇都有滄池近在金商陌淵源控河汴襟帶引京索衆派
瀉寒光一鑑涵空碧晴明天垂幕陰藹地滋脈烟嵐五
湖氣象吞七澤漪漣十餘里縞練千萬尺樓殿起參差門
闈開峯峇人間識方壺古來慚太液美哉臺沼名壯我帝
王宅惟昔經始謀茲見神武迹非同泗淵濫蓋用昆夷策
萬乘紆警蹕羣官扈鑿輓津頭駐翠華唐中蒐赤籍水犀
陳百族畫鷁棹千隻時多呂梁人士有中黃伯旋淵齊出
沒桅檣競跳躑鼓柁變魚麗飛江生羽翮一時軍事嚴四
蘇魏公文集卷三

四

表皇威赫承平垂百年聲教重九譯朝帷講文物民亦厭
金革樓戈無復用池籞因不易年年春風暮處處禊筵闢
曲堤柳交陰上苑花遍折舟師校艨衝樂侑鏘金石翔禽
鼓輕翰鮮鱗躍修額鳴鼉促繁節陰獸盪精鳧浮吹時往
來綵標縱爭獲魚龍隨變態波浪相激射何妨試趨勇豈
徒觀戲劇吾皇茲豫順庶物遂闔懌靈囿無禁止都人任
遊適輪蹄去若狂錦繡委如積臨流錯杯盤列肆張幄帟
金繪樂揮散采翠亂狼籍嘉會此難逢良辰真可惜前日
瀛洲仙顧謂同舍客言此好時節豈當虛廢擲掩卷下直
廬連鑣出東郭郊原朋盍簪舸舫觴浮醪指顧集珍羞餽
釘瞻肴核暫喜解朝纓仍便岸紗幘清波入平望嘉果

富新摘園奇挿山丹水美繪霜鯽誼呼少停樽眺覽閑信
屐畫橋躡虹蜺寶殿規楹碣再見瓊林芳重思曲江席寵
恩徒欲報顓愚豈任責翩翩衆翹彥一一富才畫同時致
榮階云誰量遠蹠曰予孤陋姿本惟一逢掖無能拾青紫
有志厲冰蘖久事州縣勞已甘簿書役公卿廣收揚文字
誤倚摭得懷儒館鈔始識君門戟何乃英俊流不以才地
隔同登石渠閣共閱金匱冊飽食任嬉遊縣君奚補益所
賴友賢能庶幾逍曠謫茲遊誠可樂何幸謬見擇逮賦醉
言歸都忘日之夕風雲一流散俛仰成宿昔集賢水廳郎
雕章古風格感此意稠重足成言四百記彼集間事有如
丹在白初惟侈榮觀終乃發幽蹟分明指行藏礪硯見肝
蘇魏公文集卷三

五

高諸賢繼佳篇仲呂和無射辭源可渺瀰筆鋒俱耒驕彼
美雙南金輝映連城壁樂事子同賦聯編予有獲欽慕風
雅情慰誨詩書癖滯思豁以開遙襟聳然釋報投愧芻蕪
叩虛漫紬繹多謝久要言贈君歲寒栢

和胡俛學士紅絲桃

京都花品予嘗評夭桃僅有十數名含絲繁艷今始識鮮
苞長葉影紅纓春晴日煖助顏色灼灼一片朝霞輕鮫綃
剪碎旋裝綴虬須摘盡將綉縈因知化工巧難狀偏於草
木呈瑞精又疑華燈九光爛蜂蝶不敢來窺爭江南萱草
易滋殖維揚芍藥初種成此花皆有紅絲號恨不同時相
合併君家數株發庭際愛玩常掛簾鈎瓊有客風流欲寄

目主人喜笑張筵迎飛觴灑翰偏得意都緣尤物牽風情
我雖多病不能飲猶思強舉花前觥

卽席分韻送李才元學士守臨卽

君登石渠閣荏苒十過春編摩業旣卒出入令已頻人情
歎榮滯雅意猶逡巡襟懷恬而曠鬢髮驚如新躬隨省中
籍念切堂上親前時動鄉思歸夢趁梁岷乞符去故里拜
疏伏紫宸恩願尺一詔罷駕雙朱輪朝爲浮瀛侶暮作臨
卽賓誰言蜀道遠自喜家山隣歲晏風慘慘行役心欣欣
悵悵同舍友化離照心人杯行莫辭滿分攜只明辰

和諸君觀畫鬼拔河

關中古有拔河戲傳聞始盛隋唐世長短百尺人兩朋遞
蘇魏公文集

卷三

六

以勇力相牽制芳華樂府務誇大黎園公卿謾輕肆拔山
扛鼎烏足矜引繩排根非勝事當時好尙人競習鬼物何
爲亦能是展吳畫格入神品陸法尤長寫靈異蒲津古寺
筆跡奇世疑二子之緄置旗門雙立衆鬼環大石當中坐
渠帥蓬頭圓目牙奮踴植鼓揚桴各凌厲東西挽引力若
停賦彩自分傾奪勢畫來已歷數百年牆壁巋然今不廢
觀風使者集賢翁每遊其下幾忘味因令搗手裂齊紈橫
卷傳看得形似精神氣韻信瓌詭毫髮輕濃皆髣髴持來
都下示朋僚一見飄然動詩思諸公詩豪固難敵形容物
象尤精緻氣完語健雋衆口二子聲名轉增貴予觀昔之
善畫者心手規撫無不至窮奇極恠千萬端特出一時之

用意鬼神溟漠不可詰豈有便能人勇智仙官佛像亦如
斯變態隨時轉奇麗遂令來者信有說塔廟從而增侈費
後賢雖欲究端倪竟亦無由草頽弊因知怪誕一崇長漸
靡成風滋巧僞茲圖他日遂流傳更使人心惑魑魅

補和王深甫潁川西湖四篇

甘棠湖

爲湖始何人人賢物亦久所以甘棠名百年猶不朽

宜遠橋

溪流去無窮路遠更難盡信步到橋邊望中千里近

竹間亭

青青林間竹有亭才表丈林深隔囂塵人間見真尚

蘇魏公文集

卷三

七

明月舫

月明照寒宵湖水白如晝縱覽泊中流清光應可就

刁景純學士寄示嘉篇述前後過潁遊覽之樂不鄙

虛陋曲蒙推獎感歎不足輒用本韻通成五十仰

答來貺

昔歲寓文館雅志慕藩屏嘗聞近畿州勝絕惟南潁十年
走京華官局苦閑冷欲求一麾去敷奏囊章請適會擇茲
守乘時竊僥倖君相寵儒林念久貸僭青旋蒙左符賜上
戴天恩併扁舟促行役洪渠逐奔猛飄然離塵囂有若出
機穽從容光景多歷覽江山迥去都時值秋到官月逢病
此邦信名區民愿俗無警昔守皆巨公今猶蒙鎮靖非才

偶承乏繼治寶多幸前賢有規模遇事見要領因茲頗閑
暇得以探物景溪湖遶郡郭臺榭跨岡領春媚花百名秋
香荷十頃野色連莽蒼水容迷淥淨虹駕遠路長鷁泛源
流永幽尋窮勝處登陟疲足脛適意自留連對人成詫逞
是時汴流阻北客多過境景純罷山陰前旆亦南騁予逢
丈人行再拜肅襟衿君待同舍生抗禮均儕等公齊薦具
薄主席奉陪鼎饋以清淮魚報我龍山茗西園復追從繼
日承音警胸懷坦而夷不事畦與町杯盤命鑄簡絲竹煩
正訂橫管欬吹羌新聲賞歌郢善諱劇笑諧盡歡忘醉醒
自茲別經秋多故直憂梗七月會同軌遠臣傷弔影交舊
少經塗酒希但虛皿兀然坐空閣何異蛙在井故人勤眷
蘇魏公文集卷三

八

盼尺書詢動靜新書三百言斲句露鋒穎念舊起悲傷曾
遊皆記省眷予忝疇曩被愛踰踵頂感慨知己心中藏聊
自儆景純書閣老二紀酬甲丙當年文雅譽久合登西省
心貪爲郡樂旌旄屢操秉徊翔成淹留前輩今誰竝復聞
乞淮藩早已飾歸艇南河如可棹北渡時引頸溪亭待清
掃寶具重修整還當揖前塵晤語慰縣耿

省中早出與同僚過譚文思西軒詠太湖石

洞庭山連震澤水怪石巉巖出波底誰言行遠莫致之好
事經營俄至此愛君小軒才袤丈滿地新芳雜紅紫偶來
憑檻見奇峯便有江湖秋思起

送朱郎中壽昌通判河中府

邶詩詠凱風以成孝子志鄭人復君母傳稱能錫類中郎
常有懷生不識所恃登朝雖厚祿當食每忘饋念昔鞠育
勞嗟今出處異倚門豈不待兩求終莫致乳烏思反哺哀
鳴自垂翅百草搖春暉寧無謝生意灑血向穹壤解組出
臺寺馳驅咸雍郊歷訪經行地至行感神明精神通夢寐
悠悠大道傍親息忽相值紫綬拜北堂白頭歸長嗣悲忻
敘契濶恍如隔生事四紀世路殊一朝板輿侍茲事昔未
有聞者共驚喟帥守爲之言詔趣還官次當年二千石寵
名非所利仕或便鄉關安用竹符使蒲中母家近自屈爲
倅貳受命慰慈顏騰裝愜歸思旣徇報德心亦安效官智
觴以萬壽薦衣成五綵戲無復興寒泉何須賦大隧令人
蘇魏公文集卷三

九

及聖善孝慈兩不匱贈言述高風庶用激忠義

寄題徐郎中鄱陽高居望雲臺

子牟在江海心存魏闕下君居雖遠方不忘朝廷者築室
負郊郭虛堂連廣廈浮梁江湖間風物最蕭灑官罷得優
閑一到休車馬開軒命賓客棊壺雜觴竿圍亭助登覽山
川入騷雅霄漢不可跂倦倦誰能捨目睇西北雲丹誠此
傾瀉出還擁旌旗歸復傲林野真得吏隱趣豈累榮名假
宦遊羈縲中適意如君寡

秀才石君子同年子也攜書見投重之以歌詩意甚
勤厚其歸也邀予言爲贈因作五言以勉之

石生故人子袖書遠相過趨翔有父風步濶冠峩峩自言

少也孤奉親由江郤區區營甘旨靡暇謀其他三十未有
成無門託絲蘿求知走四方慷慨成悲歌顧我舊朝案謂
能激餘波多慚僻郡守局趣如生何空持贈我句坐閣長
吟哦方今紹唐虞國論崇邱軻舉士用經術草去辭章訛
詔書起遺逸草澤咸搜羅高爵待俊傑世礪鈍以磨君子
務藏器生其勤切磋乘時挾才策繼世收賢科壯懷無自
忽流年易蹉跎

石縫泉清輕而甘滑傳聞有年矣前此數欲疎引入
州治久不克就予至則命工人尋舊迹相地架竹
旬月而水懸聽事又析一支以給中堂一支以入
西閣其下流則醜出外廡往來取汲人以爲利因
蘇魏公文集卷三

十

抒長篇以紀其功云

峩峩鳳凰山有泉出其腋初微才濫觴漸大乃穿石靈苗
蔭茶櫃寶氣近金錫毖彼淵源長茲惟雲霧液人傳煮茗
奇味與中泠敵陸生不到此云誰能賞識牙城據岡巒舊
井皆滷瀉先時屬經營曾未致點滴及此川谷盈空爲畎
澮積我昨尋勝遊偶見爲心惻料工度山原舉步過門戟
水道茲可行面勢正相直剪裁竹千竿接聯筧萬尺派別
起中阿架空踰下稷不及浹旬間已到堂皇側吐溜始涓
涓循除俄澌澌盈科殊未止過類非用激公堂及燕寢股
引各疎脈何期南澗流近在使君宅日用助烹爨歲儲供
醴醪冬春雖暫竭秋夏多餘瀝一支出橫廊通衢見勿懼

衆器競挹軒萬口得盥滌無愧抱甕人幸寬挈壺役嘗聞
武林都素號蓬瀛國非才叨長臨愒日若誼劇湖山空在
望車馬難屢歷阻聽潺湲聲謾憐蒼翠色自得飛泉來頓
覺煩襟釋常時兩衙退暫憇一軒息環流隨啓處玉音聞
几席塵土汨以消形容清可覩誰知簿領中有此山林適
若非仕江鄉何由見奇跡智者必樂水君子以觀德豈徒
狎而玩寧嗟漑不食良嘉上善功所至爲利澤茲泉雖未
大其用已爲益猶有膏潤資更期醴導力來哲倘不遺庶
幾成遠績

蘇魏公文集

卷三

蘇魏公文集卷四

宋太子太保右僕射同中書門下平章事司空魏國公蘇頌撰

清兵部侍郎都察院右副都御史四川總督大理寺少卿喬孫廷玉重葺

古詩

次韻蔣頴叔金部遊介亭望湖山二十四韻

我昨來餘杭孟陬值杓建春色正融怡皇華紆睠眄言此
佳山水巧麗極怪變有如畫屏風羅列圍四面城南古浮
圖又爲一郡冠聯驅松徑中信步蒼崖畔莓苔粘履屐虬
枝拂簪弁縱覽識高深顧慕增詫嘆心迷真賞奇境覺旅
遊倦物色雖難窮指注亦粗遍樓臺鬱相望無異挂盤線
向非適幽遐何由盡聞見惟昔吳越君塔廟務華煥依山
蘇魏公文集卷四

次韻蘇子瞻學士臘日遊西湖

臘日不飲獨遊湖如此清尙他人無唱酬嘉句如連珠况
復同好相應呼君常聽事嗟罪孥雖在樂園猶寡娛是社
稷臣魯顛臾直道自任心不紆最愛靈山之僧廬彼二惠
者清名孤案上梵夾牀龍鬚爐銷都梁饌伊蒲潔行自欲
敦薄夫長吟擁褐忘所晡坐客不設氍毹毼對鏡如看方

輿圖君懷經濟才有餘名聲妖孽懲顏籛且來山林尋遁
通更玩四營兼參葦

陳和叔內翰得莊生觀魚圖於濠梁出以相示且邀
作詩以紀其事

公堂四合臨中衢翰林壁掛觀魚圖傳之近自濠梁客云
是濠邑先生居先生昔仕楚園吏傲世不勦卿大夫消搖
淮上任造適高岸偶見羣儵魚清波出遊正容與潭底傳
沫煦以濡悠然餌綸不可及誰知此樂真天娛惠施好辯
發閎論謂彼固異若與吾至人冥觀盡物理豈以形質論
精粗稟生大塊厥類衆合則一理散萬殊淵泉陸走各自
適天機內發寧拘拘鳶飛戾天獸易藪騰蛇遊霧龜曳塗
蘇魏公文集卷四

二

味色誰能辨帶鹿足頸烏用嗟蛇鳧蛭牀信美害愛馬鐘
鼓雖樂愁鷄鴟青寧久竹代生變螽蟲風化相嗚呼方遊
溟海大空外坎井詎能談尾間若知飛息分皆足圖南未
必勝槍榆人生均是受形氣好惡歡養同一區死生壽夭
亦大矣自本而視奚有無方當在夢則栩栩及其既覺還
籛籛入榮軒冕不累性獨往邱壑非爲愚不求刻意不徇
利孰是隱几孰據梧惟能應變不囿物天籟自與人心俱
一從郢匠喪其質狂言空見傳於書當時陳迹復何在客
有過者猶踟躕先當朝士題咏處不見綦履空遺墟畫工
智巧良可尙景物縱異能傳模古今變態盡彷彿旦暮烟
雲隨卷舒遂令都邑繁會地坐見淮山千里餘泛觀旣已

忘物我企想豈直思
予虛惟公雅尙每耽玩持示同好良
勤渠自憐衰老喜求舊况荷朋照均友于朝陪玉堂暫晤
語暮入華門還晏如欣然共樂濠上趣相忘正在於江湖
次韻蔣穎叔同遊南屏見惠長篇

青山橫莽蒼萬石出南麓
古剎表耆閣高聲聳羣玉居惟
擇岡巒近靡數松竹郡郭路非遙
遊人春不宿陟巘極躋攀循崖勞
偃伏架筒引流泉跨嶺構重屋講坐據妙峯禪
堂對枯木幽筇難屢期將往誰能獨
偶逢霜臺客暫駐驄馬足聯步訪叢林
終朝走郊牧相期方外遊頓忘河上曲
夷路喜君騰高閣慚予束更聽各理言
俯愜中心欲况已證真常詎止齊寵辱
願言挹清風可用警浮俗

蘇魏公文集

卷四

三

次韻蔣穎叔同遊超化院

賢良才識明御史風望清命駕千里至

穎叔自毘陵持來杭

高談一

坐驚舊故偶獲道離憂自茲平塌來湖上寺共語堂西楹
念昔一交臂幾年兩搖旌契濶信靡定邂逅欣偕行日薄
聊頓轡興來再飛觥霜林隕丹葉泉坻結新冰湖月金炯
炯竹風玉玲玲峯巒對三山樓殿如九成南州足奇麗此
地尤兼并因君發題詠足使增嘉聲

次韻三弟學士題七寶英師壁

巖居得幽勝俗累無憂傷占彼鳳山腋建茲法雲堂宵眠
一氈蒲晝食幾稻梁淨衆集善緣勇猛能自強瑞相嚴中
檻梵夾羅四旁軒窗據蒼崖松竹圍重岡不雜人世喧更

覺禪味長我嘗命賓友間或攜肴觴中休憩丈室遠覽登
上方念昔保城塹屹然壯金湯列剎以百數息民矜千殃
爰居盡樂土利用無缺戕遂使吳會俗長爲禮義鄉何獨
竺乾域寶山自清涼

與蒙城知縣陳著作同賦吐綬鳥

羽毛之美其類衆雉曰吐綬世尤重靈姿異稟來何方有
容攜持自成雍朱籠馴習繡整調珍貴不與常禽共庭前
愛玩不能已欲買未有千金俸一座嘉賓共詫誇留連爲
倒春醪食送將題目與詩人要待清才如屈宋斑斑赤質
鬪花文瓌璣明珠絡衣縫暖風晴日正閑暇綺翼丹跂時
鬣鬆垂胡兩組錦舒張紺髮雙筓玉浮動倏忽披開疊勝
蘇魏公文集卷四

四

文蒙茸亂縮青絲綜初疑瑞草銜鶻喙又訝蒼纓影馬鞞
行滕赤芾交脛足羽服袿衣曳蛻蛻漢官綬莫何須染鄭
公書帶徒勞種引頸纔盈尺寸間鏤彩盤條無缺空未容
俯近復卷收頌刻無由發清哢向人顧盼雖無言奮臆猶
如將告控有生之樂貴得所所樂山林殊市閭斥鷃飛翔
本蓬蒿鷓鴣社稷存梁棟不慕爰居享鐘鼓要逐鳧鷖唼
菰葑臨流照影刷羽翰朝飛求偶隨羣從十步一啄百步
飲烏用樊中久羈控主人提挈誠厚恩豈若郊原使閑縱
我聞章服以旌禮物有等威須折衷鞞囊厲帶最光華寵
錫或招三褫訟惟茲異類亦何知被服文章安所用得非
造化有羣倫美惡短長皆適中凡物有用固爲災矯性傷

生尤可痛介特一死古士摯得時三嗅子路共晉室文裘
或遭焚羽山夏翟先修貢解顏亦取如臯獲離罟已入王
詩諷旌旄甚盛見楚人樂綴有數聞衆仲嗟嗟才用旣若
斯竄伏何由脫羅網今雖窘束苦籠檻猶勝烹燾充調供
徘徊且逐稻梁肥莫厭庭除資好弄方今太平物遂性異
獸奇禽罷供奉庶民咸樂萃靈臺上苑虛開發雲夢西雝
旣已翔振鷺阿閣終當集靈鳳佇見觚稜神爵棲重歌蜀
使碧雞頌惟爾文華固異常効祥薦祉宜飛狐近郊藪牧
好遊邀應須一借扶搖送

次韻陳蒙城金風堂射飲

南都綠蟻封初折西圃芳條換新碧賓僚相遇惜餘春樽
蘇魏公文集

卷四

五

組留連因促席百夫決拾看和容何用娛賓循飲格前者
新詩嚴武事幾日毬場較鋒鏑幕中賴有從事賢抱器逢
時隼當射聊從把酒發笑談豈獨鳴弦觀準的分朋爭計
算多少舉令都忘歌節拍蒙邑大夫富才藝早擅詞林名
藉藉昨來州序偶淹留幸接語言踰宿昔行籌不必苦辭
觴得雋况曾先射澤多慚病守鮮歡棕出口無奇但啞啞
食榮竊祿未能歸每聽春禽愁杜魄今朝何似強開顏爲
喜尊前有嘉客

和蔣頴叔亳州矮檜

檜生本修直此種特殊異高不盈尋丈廣乃遍階砌短幹
自堅強附枝交蔭翳森然葆羽欹隱若虬龍墜不知何代

有木老色彌翠常聞古仙者應化在茲地手植有遺迹深
根幾千歲神靈應護持道官存歛識自此物色繁因爲圃
人利封殖雖地宜屈蟠由巧智以彼凌雲姿還同蔽牛類
拳曲如能壽輪囷不爲器誰云矯生質終亦遺世累詩伯
一留題禪叢重增貴豈若榴榿然空傳草木記

遐日遊逍遙臺觀南華塑像獨置一榻旁無侍衛前
無香火對之欬然起懷古之思因抒長句一千四

百字題於臺上

憶昔初讀南華篇但愛閎辨如川源沉酣漸得見真理馳
驚造化遊胚渾潛心四紀不知劬閑日講解時尋溫其言
無端極放肆大抵順物尤連牾

芳元反

六經高深如韞積百

蘇魏公文集

卷四

六

氏蔽偏迷躡閻伯陽語道最淵邃中士尙或疑亡存竺乾
權實信廣大妙用不出我藩垣偉茲三篇粹精奧推本一
化開幽昏反覆孝慈去願譽胎育仁義除詐諛情類相親
自才德踈跂不立存朴惇寓言本爲大方設弔

音的

詭難與

常人論祖尙玄虛滅禮學乖背宗旨由後昆遂矜放曠爲
任達由此道真流忘反

平聲

自非通識造閎遠安能超悟還

淳元大鈞斡旋本何有相禪以種分無垠載其形聲真暗
醜感彼氣類相嬗媛死生之辨在旦夜夢覺之異分形魂
神奇臭腐互美惡蝸甲蛇蛻奚代迤卵胎無以易生種風
化自爾成蟲蛄出入於機泯無際始卒若環焉可捫芒乎
萬致始同體明以一指彌滋繁異則肝膽爲楚越同則蕭

竹猶枿圈眞宰難以朕跡見靈臺莫由形器援何者非彼何者是孰爲親愛孰爲怨平六鑿相攘有利害兩溢類妄

成鬪誼至細不必陋蠻觸倪大惡用驚鵬鯤天機所動體

各適足行豈異睡者噴外物旣重內固拙瓦注則巧金乃

昏物之儻來莫禦止心所希跂俄屯瞽昏音有疾無用亢豚

免其迹已陳芻狗燔全生難持社之櫟移是不定臘者腥

昆音逢眞令尹鼻栩栩恍醜全人脰肩肩胡恩反因知禍福相

倚伏故於得失無墮螭上音陳下音悼惟能瞻闕以生白是乃孰

擾而厭殮道非處服無不在人以德性爲之原有情有信

非可致一滿一虛常不騫九年大妙得之野叅寥疑始傳

諸孫豨章以之挈天地堪坏以之襲崑崙明此南鄉唐堯

蘇魏公文集卷四七

帝明此處下素王尊衆人逐物但役役一曲自守常暖暖

宣音修躬明汚躬則始飾智矜予智彌惛單豹治裏外逢害

張毅修祿中成殞退不爲賓潁陽樂盪而傷性窵水跋音存

二子高節去孤竹三閭獨清浮湘沅棄世終亦餒蔽蕨行

吟徒自悲蘭蓀彼爲禮義矯末俗猶以佩玉趨囊韃將明

是非崇世論何異狐白資繼絆禮義治則忠信薄是非著

則名實翻尙賢貴德下滋僞信賞明罰民尤冤宋榮猶然

在譏世其於毀譽方汶汶音列子待風乃輕舉豈若御辯

常掀掀至人達觀齊物我直往上古惟愚菴音內通耳目

外心智旁挾日月超乾坤安時處順任天倪音抱德煬和

遺世誼悅乎忘言啄鳴合窅爾自靜鮓柏潘音養生之主

悟文惠治氣其勇過孟賁形形不形睨初始物物不物隣
義軒得計棄智任魚蟻勞形怵心嗟虎猿呼我牛馬誰毀
譽夢爲魚鳥還潛翻其窮不屑涸轍鮒其高乃况南方鷓
方其惠死樂枯蠲亦旣恬生慕孤豚嘗開藏言乃笑杖旣
見偃室聊歌益畏龍不羨宋人乘觀鵠自感雕陵樊廣莫
將植擁腫木江湖可浮瓠落樽不將不迎隨物化一龍一
蛇更蟄蜿以道泛觀未切著得時而行或曲卷皇王上下
惟變適周魯舟車殊運奔顧指不爲天下化排進靡使人
心債音奔人於應問見影響物被生殺逼淒煖音喧賞罰九變
得其序澤流萬世非吾恩相鑿乃合儒與墨小辨豈數衍
與髡河伯不逢海若語豈知至道無窮門雲將未得鴻蒙

蘇魏公文集

卷四

八

問烏覩生物復其根神而化之不盡立未之盡者能誨啍

音悼長波所盪滿今古異代相應猶箎塤喟予所稟實樛散

作器自愧非瓊璠逢辰偶得仕通籍微倖當與游西崑材

力未足勝蝨股取捨徒思擇熊蹯行年六十粗知化藏經

十二無能繙平時有志在寥廓遇事無意從繙昏攫而後

寧亘歲月老之將至忘寒暄盱盱未免囿於物擾擾不異

風中幡昨從京輦絳丹筆復得淮壤乘朱轡偶逢樂歲少

休息麻覽士俗因周爰提封乃是昔人里訪古時復登平

遙城中蝶巷接蓬頂郊外魚臺連漆園悠然清風隔千載

獨有遺像當高墀山川世異改城郭歲時人罕羞蘋蘩先

生縣解出無有後世景仰空擎拳大布屨履生弗飾豈斬

朽壤衣如璠鳥鳶螻蟻死不避安用耶墟祀有膳虛堂雖
異生存處操趣猶令貪薄敦我懷方外想音采坐視券內
毳冥煩曳塗竊企濮水釣投惺更思東海蹲子葵雖未得
其道意而固願遊其藩聖人之書議者扁妙斲之質良在
憂漢書音義鄧
作優音溫空遺糟魄寧咀味縱有履跡焉投跟何當
一發雞瓮覆因而更焚駒項轅天光內照宇自泰人益不
累中無悶云誰嗣響可晤語至理竟亦歸無言

蘇魏公文集卷四

蘇魏公文集卷五

宋太子太保右僕射同中書門下平章事司空魏國公蘇頌撰

清兵部侍郎都察院右副都御史四川總督大理寺少卿裔孫廷玉重萊

古詩

次韻司徒富公者年會詩

古人稱宴安居處必擇地諸公來河南有若不期會巖巖
大司徒早辭槐鼎貴嘉謨納淵衷故事留臺寺構第銅駝
坊開門灑水次居守德爵同位重官三事高軒每過從縱
言談道藝復有鄉里賢夙昔承嘉惠崧嶺高橫空洛波清
見底履道追昔遊行厨載芳醴燕毛禮所重安車皆戾止
年尊二國公齒序衆君子願公壽千秋慰民瞻具爾三載
蘇魏公文集卷五

一來朝當陪天子祀

次韻王宣徽太尉者年會詩

古來賢相稱高奇虞有臯夔商傅伊帝臣王佐見謨訓千
載相望如同時我朝公輔代間出鍾秀辰象分躔離堂堂
太尉實異稟風質粹美和而威仁皇始擢自藩翰渭水兆
告非熊巖立朝早已擅風采料敵曾不差毫釐聖聖相承
倚時棟入登槐鼎出擁麾司徒相繼據魁軸勢壓諸夏摧
附枝一言寤意尊社稷萬里奔命來戎夷君臣一體自同
德下鄙漢相矜規隨功成治定預告老還鄉治第當西圻
十年休佚養沖氣泰宇充茂心欣嬉二公勲德誦人口載
於彝鼎歌於詩吾皇得相柄文武調變四序齊璇璣孟軻

嘗稱聖之任乃曰百世人之師固宜天畀兩元老期頤常
保松筠姿規樞載在廟堂上自使風俗淳澆漓前年召自
大名尹對罷累請菟裘歸帝曰公今更強固閱煩幾政留
清規兩加金貂百官首再剖玉麟三水涯洛人聞之喜且
抃如在早歲逢雲霓朝臨留府暮私第偃息又將彌再期
今春欲作者英會涓日象值神俱比謂宜飲食與宴樂對
接賓客心忘機康寧壽富復好德嚮此巨福全者稀席間
諸老盡賢傑相得歡甚敬冠綉飲盈百榼似尼父歌有三
樂同榮期杯盤衍溢逮輿隸割肉醺酒如林地衣冠填咽
兩城市車馬照耀清漣漪夜闌百炬列紅燭天寒四座添
重幃鉅儒灑翰序嘉會義薄皎日垂清暉諸公半酣各賦
蘇魏公文集卷五

詠含毫疊紙魚鱗差詩成累幅燦珠玉光艷疑若陵鈞奎
歌聲旖旎嘯鸞鳳酒氣冷冽噴醪釀長篇立刻在金石楷
字高揭當軒墀晉公延賓就綠野謝傅卜宅臨清溪當時
貴客亦有數詎與今日爭光輝騰書遠報鄴都守開緘摘
句情融怡答言遂起歸與興跡雖未往心先飛三賢事業
固同道用舍安得常情知官尊邦國之柱石望重士林之
羽儀退舍進用自殊致大義當以公言推不能者止固達
識陳力可行當有爲聖君知臣賢達節事有輕重須從宜
寧拘經禮致爲政自有邦人歌袞衣三台明潤少微爛光
彩並照大紫微子房辟穀方壯歲張蒼作相當龐眉曹參
置酒坐公府晉賢高蹈來東籬昔人出處固有意造適自

與時推移光陰可惜且行樂任從鷓鴣方春啼

次韻君實內翰同遊范景仁東園

鑿禁限沈深鼇頭雄鼻屢主人出休沐秋色正明麗偶爲
東園遊便有中林意縱言得造適覽物增意氣風清濯煩
襟日永忘歸轡朝野本無間簪組何用棄未必幽棲人識
茲真樂地

效范景仁侍郎次韻和君實端明長句奉呈龍舒楊

守

公居幽絕誰能紀欲到應須勞屐齒從官出入路縈紆况
今又去藩龍舒人在天南居在北鄉心千里雲山碧山庭
不用勒移文時樂中和歸未得他年若尋仙老會洛下諸
蘇魏公文集卷五
公盡中外百二十坊山水間甲第相望門巷對過從不獨
賞芳珍造適何妨談道真回頭却望朝市裏多少思歸未
去人

六月六日訪晁美叔吏部越宿蒙惠長篇因次其韻

近伏值休澣端居無所爲觸熱事造請有如襪襪詩偶到
昭德里主人不吾非惟今吏部郎望清秩非卑而與兩銓
選事聯相附離每聽人物論尤詳臺閣儀沿襲尋本原左
右逢津涯登朝鬢猶綠繼世衣仍緇歡然久相接甚矣嗟
吾衰誰言同趣舍何力能嘘吹但慚蒹葭陋坐對瓊林枝
時或把書卷不厭顏生饑間亦忘形骸任譏嗣宗癡喜君
方得塗鴛騰復何疑此豈哀烏省能留威鳳姿君才適時

用早聞天子知荷囊與鳴玉獻納無不宜寧校歲月勞求
爲法令師

次韻蘇子瞻題李公麟畫馬圖

霜純橫卷書縉垂軸以瑋瑁囊青絲披圖二妙駭人目筆
畫勁利如刀錐龍媒迥出丹青手勢若飛動將奔馳韉銜
如在赤墀立僕御猶縱紅纓羈子虔六轡銜沃若長康駿
足稱天奇雖傳畫譜入神品未有墨客評黃雌六詩形似
到作者三馬意象能言之奇蹤莫辨霸或幹高韻壓倒陸
與皮從來神物不常有未遇真賞何人知君不見開元廐
馬四十萬作頌要須張帝師

元祐癸酉秋九月蒙恩補郡維揚十一月到治蒞事

蘇魏公文集卷五

四

之始首閱題名前後帥守莫非一時豪傑固所欽
慕矣然於其間九公頗有寅緣感舊思賢嗟嘆不
足因作長韻題於齋壁以寄所懷耳

維揚禹九州淮南唐四鎮地據江海衝星占楚吳分五季
劇荒擾我朝夷僭閏督府時稱雄守帥選常遴由來竹符
使莫匪邦家聞其間九賢者尤推萬人俊太原文章伯師
友淵源濬五事陳便宜七制推典訓屢薦官雖崇三己色

無愠

王元之一登翰林三踐西掖屢被譴逐皆以直道嘗
作三黜賦其末云令尹無愠予之所師下惠不恥予

其庶幾先祖少宰進士時嘗獲岐公老藩朝惠愛浹吳晉

薦士言有味偃兵功不陳鼎飪方燮和邱園終委順杜公

東提刑移鎮於此尋遷淮南轉運使後登樞府議西師守
用策未幾元昊請命登庸纔半歲出藩遂還政居南都十

年而薨其游士於朝達者最多而予被遇尤異淵哉文肅公生邁休明運三朝翰

墨工二府謀猷奮道卷任推遷名全蔑緇磷盛公始以文

召真館閣真宗仁宗朝再入翰苑遍厯二府兩黜皆由學被知太宗

人累再典茲郡卒以壽老致政考終先公銘誌其墓鄭

公梁棟才天質璆琳韻大筆弟兄同萬事朝廷問徇翔極

宰樞終始無疵咨宋公自參預出鹿郡人安其寬簡去後

僧寺予在館作愛思堂以懷其德在郡賦詩有刻石

閣最蒙稱獎仁宗初倦勤魏公復來觀堂堂真相尊審審

嘉言進十字篆勲勞大丞報忠蓋韓公在郡日大葺府城

人思慕立祠堂於雍熙浮屠迨今尤甚其墓碑神宗御篆

十字以表勲烈又配享英宗廟廷公在朝予屢獲款接

樂安予舊館早歲窺牆仞儒林仰宗工政府發閱論雖無

鼎銘勲賴有書傳信予舉進士日歐陽公主文衡誤見賞

尤厚始終不替大明寺平山拔後留守宋都予在幕府自爾相知

堂公所作為最爲一時之勝吾友仲遠父利器發劔刃論

蘇魏公文集卷五

經鄙章句縱辨摧凌諄音經緯風志遠風流壯年盡子與

公少同硯席每愛其論經義談厯代高才博識謂當輔相

承乎中年而殞士友痛惜今雲山閣有留題詩時會堂唱

和詩並文武惟秀公將相紆雙印入輔復出藩撫淮兼帥

潤憶昔獲攀稽後來嘗慕蘭陳公侔苻離日予爲郡從事

卜鄰丹陽後以潤其後入朝屢同官局嘗相期

帥兼相印鎮是郡司空一代宗累葉清風振繼父漢韋平

致君古堯舜時嘆人云亡上嗟天不慙呂公與予少時相

廷接跡最久後公薨二聖嗟悼日國家不幸司馬相呂昔

司空相繼云没予亦嘗預聞聖語有祠堂在興教院

人企前修景行仰高峻聲氣或相同古遠視猶近馬遷稱

晏嬰羊祜交陸遜異代思執鞭仇隣通饋餼粵予望諸賢

先後來茲郡既非鎮俗才仍抱終天釁先公嘗領是

自澄汰鈇鑕殊銛鈍將書名在石終慚駑附駿前人固難

州辭不赴砂磔

追遣德猶可徇鞭後志良勤思齊言亦訥顏悞章在懷年
侵霜滿鬢俛仰復奚爲茲焉俟嘉遁

累年告老恩旨未俞詔領祠官遂還鄉閭燕閒無事
追省平生因成感事述懷詩五言一百韻示兒孫
輩使知遭遇終始之意以代家訓故言多不文

我昔就學初髫童齒未亂嚴親念癡狂小藝誘愚鈍
大戴禮曰八歲就外傳教小藝履小節始時授章句次第教篇韻
我生五歲先公詩賦皆成誦又令從諸父教學不數年而誦五經習爾雅知聲律蒙泉企層瀾覆篲期九

初十齡獨侍行千里赴朝覲靡依心向吳能事躬在浚應
門待賓客睦族周分親去聲雖免逃杖詈猶虞裕壘吝
天聖中先公服楚國太夫人喪外除自維揚赴調適值外祖龍圖陳公出守餘杭以先妣魏國太夫人久別欲邀同行時予十

蘇魏公文集卷五
歲獨侍先公入都會盛文肅公在翰林游先公文館法當
投進所業使予管勾裝寫進卷及接待賓客相過諸公皆
一時之望予獲侍側頗蒙獎顧時盛仲謨學士
坐中試予以省題詩予卽時賦成尤見賞激
友羣彥得親近音附近箕裘襲素風蘭芷漸腴潤
先公宰卽縣廳西園開學舍延諸生郡進士華直溫新安閔從先輩數人同結課予時十三歲與從叔宣甫山甫同硯席預課試後二年先公通判洪州又延鄉先生萬君特講書予與諸父及臨川蔡元道元翰昆弟皆同聽學時南城李觀

日沈酣百氏恣蹂躪禮樂原夏商春秋道堯舜論詩識溫
柔講易知謙巽書要通上古史亦斲盡信復熟中庸篇推
名善惡混楹書迨今存手澤亦未泯賴此漸摩益稍知賢

聖蘊先公舉賢良暇日試筆手寫中庸一篇付予令熟讀誦之可以見性命之理其書至今秘藏篋笥十
八隨鄉書三冬閱文陣同時韋帶倫共試棘闈濬少年事

於豪屬辭少繩準程文竟乖疎貢籍果遺擯予十八預府

正肅公頗以博學識題見獎便許以遠到自此士大夫稍稱道明年春省試以犯聲病格不收時主文盛文肅公

謂先公曰試文當在高等以點檢官內負未蹉跎不能忘

指捕詩中押聲聞字退落誠可惜也

起債既知以聲病馳落遂刻意賞延輒辭官雅志將自奮

康定元年乾元節推恩近著先公在中書舍人欲奏薦予

乞且應舉先公初不擇既而大稱許復勉以勤篤又延建

原安黃晞先生數公置門下及與長樂王深甫子直清江劉

師猶相筆枯手成眠眼稀目生暈常患涉獵疎肯効揣摩

困再上忝乙科初筵習磨楯綢繆結官課奄忽罹憂疹靈

光未及賦陟岵遠銜壘後漢王文考父逸欲為靈光殿賦

獻此賦父問其故對曰為文損思慮大人思苦今年高不

宜復爾父遂不作先公常戒吾令習六科業未就而遭大

禍每痛不及文考之獻賦星行赴幃堂雨泣護歸櫬先疇間嶺遙寓舍

蘇魏公文集卷五

京口近遠近葬營帶郭田地得兼山艮予登科初補宿州

太尉薨背先公持服寓金陵朝廷特就移予知江寧縣才

滿秩先公在河陽下世予星行護喪南歸治命以泉山鄉

里道遠不可歸令於異常間卜葬謀居既適京口會故人

錢起居子高作守治館相習時有道人自真善山水學從

予行常潤數州擇得今青陽墳地起乳山艮來南走京峴

巽岡西北枝良落即先公墳術者皆言善地遂安葬自

此謀居郡中占送往極充窮拊存急賙賑三釜須自謀一

予十八預府

薦時主司吳

自此士大夫稍

主文盛文肅公

雅志將自奮

欲奏薦予

又延建

直清江劉

第往來京

忽罹憂疹靈

靈光殿賦

比還乃

高不

遭大

而

七

初補宿州

先祖

江寧縣才

泉山鄉

會故人

真善山水學從

自真善山水學從

予登科初補宿州

觀察推官值先祖

知江寧縣才

以泉山鄉

會故人

真善山水學從

自真善山水學從

真善山水學從

政以先公名對上曰特與試乃試兩題俱書高等時翰林曾胡楊田四公皆云近預試者惟馮京蘇頌皆入高等因此遂得職此並

梁丞相所喻云校文摘三折食貧歲四閏君相嘉宿官圭

符假名郡地望號優間公租稍充切二偏豐旨甘百口免

飢饉予在館閣九年與同舍陳述古孫聖途俱請外補久

前比莫且別移一京局予再三言食貧且久難更祠候翌日特為奏陳獨予得汝陰善郡陳孫茂淺得常郭皆常調

也方喜私願諧遽叨召音迅素非幹時才屢試投虛刃治

績愧無間官資謬超進持橐入記言演綸漫燥吻事無補

毫分心常懷憤懣一言偶寤意三己固無愠予守頌將二年忽被召遷

府界提點踰年徙三司度支判官又二年出為淮南轉運

使神宗初登極因送遠使還陛對特蒙訪問北遼事願合

旨仍宣諭二府故到淮南才五月召還修起居注遷西掖

掌誥二年因論差除御史事蒙中札召對詢問本朝故事

上初甚以為然及有褒語無何執政以為違忤見黜歸班

趨魏公文集卷五

銀臺又出南都知餘杭入為史官尹京府以孫純陳世儒

事貶濠梁凡五換推及入對獄卒無一事絳史議乃罷濠

領孟辭以先公薨再違金門籍七換竹使印賜環元豐初

逝之地改知滄州

解組橫海鎮遼信使約修周官預詳攬居運切見前上號漢書刑法志

太宮辰奉冊陪發軔復土裕陵日杖桐方守殯阻趨七月

期莫從百夫殉予到滄才數月上喻執政云要蘇某來修

及進對上曰朝廷與契丹通好歲久故事儀式舊章案牘

遺散者多每使人來生事無以折證朕欲哀集國朝以來

至昨代州議定地界文案等以類編次為一朝典章使後

來得以稽據朕思非卿不能成之又宣諭云近日修書臣

僚多遷延歲月只如密院機要已七八年近方奏請差人

檢閱已十罷之卿該通勤敏此書何日可成對以案籍浩

大凡數十架急急編次亦敏二年不知果可成就否上曰

二年了得甚善有旨就樞密院第四廳置局仍許辟官檢

討指射密院人吏於是曉又比次逐時面奏商議立例類

不踰期成書二百五十卷奏藁日上大喜仍御筆賜名華

戎乘輅入朝明年先帝升遐予適丁先太夫人憂寓維揚

不得頭挽縛之
列於今痛恨
衰麻雖未除淚血猶未收誤被兩宮知首

頌一札訊入長天臺班復冠鼇坡峻太夫人服除蒙詔書已除刑部尙書令乘

驛馳闕踰月改吏部二年除翰林承旨拔擢登台司咨俞陪坐論屬時久承

平狡羌未誅震誅震見陳湯傳任重才難勝位高躬易隕丹衷徒

蹇蹇明誠乏斤斤靡憚嘖言煩姑守王臣蓋聖神眷始終

進退禮周盡禁殿陟青規琳宮叩虛牝再辭淮海藩未許

邱園遜予自承旨拜左丞二年忝中揆又一年言者論臺雜牽復事云予獨主之予聞言即時出省歸私第

待罪同列見喻云且須翌日見上畧敘陳然後求罷貴全

進退之禮予答以宰相一有人言乃是物議不允豈有解

紛之禮連上三劄獲罪拜大學士領集禧觀使恩禮

優異近歲未有中謝日兩宮褒語知卿無他意只是避人

言其年出守維揚再告老復有官使之命許還丹陽風霜經六紀蓬葆垂兩鬢躬聞

猶冠帶祿厚足儲餼貢餘香龍團上尊白羊醞歲時荷恩

蘇魏公文集卷五九

雷漿藿對饋畫予又參近著俸賜甚厚然族大家虛贍給常苦不足故每飯不過一肉非賓客未常

飲宴每蒙恩賚極知慚感春園乘閒灌冬戶隨時墜入對書甲乙出驅

車薄笨扶杖拜先塋攜觴問田峻蕃室勅掃除綦几聊憑

隱於新養浩希子輿學生同祝賢念昔多艱勤誨爾宜悱

憤見賢弓在檠遇事驂從靳見左競情思昔非視舌知柔

朝高門訓序畏早聞先訓以謂門第高華可畏而不可恃予刻心遵守常以為戒後因讀柳氏訓序

乃有此語欲使爾刊腹摩兜慎日摩兜韃慎勿言唐劉洎輩知之以代韋弦

少嘗遇異人謂之曰君當佐太平得富貴然宜慎兜韃之為戒洎後為侍中以議論不常獲譴名教樂有

餘異端戒多紊其要本誠明烏在問圓頓美璞不雕琢安

得懷瑜瑾良器不深藏渠能免瑕壘學問不沾洽何由垂
望聞去聲見操守不堅純久必成緇磷進修欲及時行違

要無閔士行惜分陰伯陽嘆往運當年倘因循晚歲必悔
恨更思祖先勲相傳清白訓世胄閩與吳宗姻期及綬衣
冠布中外椽土無尺寸逮吾老鄉閭始得營畦畛蝸廬庇
風雨稷田助饗餒幸與仁智隣仍遠市城恩沈侯東陽居
陸叟頤山遯陸希聲退居陽羨自稱頤山遯叟出處雖殊塗豐約已過分
予初置京師西同宅甚隘陋罷相日二府諸公見過以為
不稱相第予答以曾高以來忝仕朝廷下逮子孫輩已有
官而四方無尺椽寸土今有此第已為過分比還潤又營
此居處及近畝少沙田追思先世已為華奩若非遭遇上
恩何由致此但恨見柳氏考室俟構堂肥家在忍順見柳氏常使
未有報國之地耳唐棣榮無致荆枝忿中邁須自防外誘不可徇懼爾志悠
悠故吾言諄諄去聲力行倘不渝家聲期遠振

蘇魏公文集卷五

十

